

Wāhanga Tuatoru - Ngā Paearu Smart

Tā Māui whakapōturi ake i a Tamanuiterā

Me hoki ngā whakaaro ki a Māui me ōna tuākana e whakapōturi ana i a Tamanuiterā. E ai ki ngā kōrero tuku iho, ke rakahinonga wairua auaha a Māui nāna i whakamahī ngā rauemi o te taiao kia hanga taura ki te whakapōturi i a Tamanuiterā. Nāna i whakatakoto āna ake whāinga poto, whāinga paetata anō hoki kia tutuki i a ia. I a ia e āta mau ana ki tōna whāinga matua o te whakanui i ngā haora awatea kia taea e rātou ko tōna whānau te hanga māra kūmara matomato ake, ka mutu, kia whiwhi kia nui ake ngā kūmara hei hokonga atu i te 'Māketē Kaipāmu Atua'.

Whai whakaarohia te āhua o tēnei mēnā i a ia ngā Paearu SMART hei āwhina atu.

Ngā Paearu SMART

He kupu rāpopoto a SMART, he aratohu rānei hei āwhina ki te whakatakoto whāinga;

Ka Tauwhāiti

- Kua āta tautuhia
- E mārama ana ki ērā tangata he waiwai ō rātou mōhiotanga ki te kaupapa

Ka Taea Te Ine

- Me mōhio mēnā ka taea tō whāinga te whakatutuki, me te roanga wā e hiahiaia kia oti rā anō.
- Me mōhio āhea tō whāinga tutuki ai

Ka Whakaaetia

- Ka whakaaetia e ngā kaiwhaipānga katoa he aha ngā whāinga

Ka Whai Kiko

- Ka taea ki ngā rauemi, mōhiotanga me te wā e wātea ana

Ka Whai Wā

- Kua rawaka te wā hei whakaoti i te whāinga

Kia kaua e nui rawa te wā, kei pā kinotia te whakatutukinga o te kaupapa

He Ngohe Ako 3: Ko Māui Me Te Tātairua Paearu Smart

I rō **rōpū**, whakamahia ngā **Paearu SMART**, ka torotoro i ngā mahi a Māui. Mā aua paearu, tautohua mēnā i eke panuku ana mahi, kāore rānei.

I mua i tō fimatanga, whai whakaarohia ēnei pātai;

- He aha to tātou mōhio mō ngā Paearu SMART?
- Me pēhea tō tātou ine mēnā i momoho, kāore rānei, tā Māui whāinga o te whakapōturi i te rā?
- He aha ētahi mea me whai whakaaro e tātou mō te whakamahere whāinga ahumoni?
- Tuhia ō whakautu ki roto i te Tātairua Paearu SMART kei raro

Uiuitanga: Me whakaaro ngā āhua e whakamahi ai koe i ngā Paearu SMART ki te ine i te whāinga a Māui ki te whakapōturi i a Tamanuiterā. Ka āhei ngā ākonga ki te tiritiri i ā rātou kōrero ki te akomanga.

Ngā pātai nui hei whakaaroaro;

- He aha te kaupapa o tā Māui whāinga?
- I pēhea a Māui i whakamahere ai ki te whakatutuki i tata whāinga?
- I hanga mahere rānei mō ngā take puta whakarere?
- He aha ō tohutohu hei whakapai ake i te whakatutukinga o taua whāinga?



Tātauira Paearu SMART:

Whāinga: Te whakapōturi ake i a Tamanuiterā; <ul style="list-style-type: none">● I pēhea te angitu o tā Māui whāinga ki te whakapōturi i te rā?	
I Tauwhāiti: <ul style="list-style-type: none">● I pai rānei te tautuhi i te whāinga?● I mārama ki tētahi tangata he waiwai ōna mōhiotanga ki tēnei pūrākau?	
I Tae Te Ine: <ul style="list-style-type: none">● I taea te whāinga?● He aha i toe tonu ki oti?	
I Whakaaetia: <ul style="list-style-type: none">● I whakaaetia e ngā kaiwhaipānga katoa he aha ngā whāinga	
I Whai Kiko <ul style="list-style-type: none">● I whai kiko te whāinga ina whai whakaaro koe ki te wātea o ngā rauemi, te mōhiotanga me te wā?	
I Whai Wā <ul style="list-style-type: none">● I rawaka te wā hei whakaoti i te whāinga● Kīhai i rawaka te wā, i pā kinotia te whakatutukinga o te kaupapa	
NGĀ HURITAOTANGA: <ul style="list-style-type: none">● He aha i kitea e au/tātou?● Ka pēhea taua mōhiotia koe/tātou e āwhina ai ā muri atu?● He aha ētahi mea me whai whakaaro e au/tātou mō te whakamahere whāinga ahumoni?	

Ētahi ngohe toronga pea:

- Hei takirua, hangaia tētahi pāmui Paearu SMART. Tiria ki tō akomanga me te whakamahuki i tō whakatakoto whāinga ahumoni kia hoko mai i tētahi mea e hiahia ana koe ki te hoko mai.
- Me matapaki ā-rōpū he aha ngā hua o ngā paearu SMART ki ō whakaaro, ka pēhea hoki ēnei i āwhina ai i a koe kia whai whakaaro ki ōu anō waiaro mō te whakatakoto whāinga ahumahi me te whakamahere ā muri atu.